

clv.

(...)

Pactes de mariage alegré  
mariette

Au nom de dieu soict sachent tous que  
**l an mil six cens cinquante ung** et le **vingt deuxiesme**  
jour du mois de **janvier** environ midy regnant nostre souverain  
et tres chrestien prince louis quatorze de ce nom par la  
grace de deu roy de france et de navarre dans la ville de  
**villemur** et **maison** deppendant de l heredité de **feu helie**  
**mariette** quand **vivoict maistre fouleur de draps** dudict  
villemur dioceze bas montauban et sen(echau)cee de th(ou)l(ous)e pardevant  
moy no(tai)re ont este en personnes **jean alegre**  
**maistre cordonnier natif du lieu de villebrumier** rezidant

.....

a presan en ceste ville acisté et conseilhe tant d honneste  
femme **peyronne de lezat vefve de m(aîtr)e pierre dupuy**  
**sa mere** que de plusieurs ses parens et amis d une  
part et **catherine mariette filhe** audict **feu helie et**  
**jean mariette marchand** rezidant en la ville **de rabastens**  
frere et( )soeur acistee et conseilhee de mesmes d'honneste  
femme **gabrielle riviere** vefve dudict helie mariette  
**leur mere** et de plusieurs leurs proches parens et  
et amis tesmoins en ce contract d autre lesquelles  
partyes de gré sur le mariage traicté entre lesdictz  
alegré et catherine mariette que moyennant la  
grace de dieu s accomplira ont faicts et passes  
les pactes qui s( )ensuivent en premier lieu  
que lesdictz alegre et mariette seront conjointz  
en mariage et solempnizeront icelluy en face de  
l( )eglize **catholique** appostolique romaine dont ilz  
font profession a la premiere et( )seulle requizition  
de l une des partyes les bans publyes et legitime t(ou)s  
empechemant cessant, a faveur et contempla(ti)on  
duquel mariage et pour ayder a supporter les  
charges d icelluy le susd(it) jean mariette a donne  
et constitué donne et constitue en dot a icelle  
mariette sa soeur et par consequand aud(it) alegré  
futeurs espoux scavoir est la somme de deux cens  
cinquante livres t(ournoi)z tant pour tout les droictz que  
lad(ite) catherine peut avoir et prethendre sur tous  
et checungs les biens noms droictz voix et actions  
delaisées par le susd(it) feu helie mariette leur pere

.....

clvi.

commung lors du deces d icelluy duquel led(it) jean est heretier universel et general que pour tous les droictz que lad(ite) mariette peut avoir pareilhemant et( )prethendre sur tous les biens et droictz de lad(ite) riviere sa mere ausquelz par ce moyen led(it) jean mariette constituant est et dem(e)ure subroge par lesdictz fucteurs espoux pour en pouvoir jouir faire et dispozer a ses plaizirs et volontes en tant moingz de laquelle somme de deux cens cinquante livres icelluy mariette frere a payé illec reallemant en trente trois escus blancz et cinquante une piece(s) de vingt solz la somme de cent cinquante livres t(ournoi)z comptee recognue et emboucee par led(it) alegré au veu de moy dict no(tai)re et( )tesmoingz bas nommes en telle sorte qu( )il s en est contente & les cent livres restans icelluy mariette sera tenu luy payer dans ung an prochain precizemant sans interest et receu que ladicte entiere constitution soict par led(it) alegre icelluy sera tenu de la reconnoistre et assigner comme dors et desja partant qu( )est de bezoing la reconnoist et assigne a lad(ite) catherine mariette sa fucture espouze sur tous et checungs ses biens presans et advenir pour estre randue et restituée le cas et lieu advenant avec le droict d augmant quy est moityé moingz des sommes de deniers suivant la costume generale de ceste province de languedoc et celle de la presant ville

.....

de vilemur selon laquelle les partyes declartent fere les presans pactes et entendre estre telle assavoir que la femme decedant plustost que le mary icelluy dem(e)ure jouyssant pendant sa vie des cas dottaux de la femme et au contraire le mary predecendant a la femme icelle a option de repeter sa( )dot avec led(it) drocit d augmant duquel augmant elle dem(e)ure jouyssante aussy durant sa vie ou bien en laissant l ung et l autre de prendre pention et entretien sur les biens du mary tant que vist honnestemant soubz son vefvage selon sa qualitte et( )portée desd(its) biens et outre cé luy appartient toutes /ses/ robes bagues et joyaux se trouvant lors en nature d ou qu( )iceux luy ayent este donnees, et a tenir et garder ce dessus ainsi promis et stipule par les partyes icelles ont respectivemant obliges tous leurs biens presans et advenir mesmes lesd(its) fucteurs espoux leurs personnes pour l accomplissemant dudict mariage qu( )ont soubsmis aux rigueurs de justice avec les renon(ciations) requizes et l ont juré par seremant leurs mainsa( )dieu levees de quoi a leur requizition instrument a este rettenu par moi dict no(tai)re en presance de

